

REGIONAL NEWS UNIT
ALL INDIA RADIO, SILCHAR

EVENING BULLETIN : BENGALI

Date:- 16-10-2017

Time : 19:55-20:05 Hrs

বিশেষ বিশেষ খবর :-

- ১) খাদ্যে ভেজাল সংক্রান্ত ঘটনার সঙ্গে জড়িত লোকেদের বিরুদ্ধে কঠোর ব্যবস্থা গ্রহণের জন্য দেশের রাজ্যগুলির খাদ্য সুরক্ষা আয়ুক্তদের কেন্দ্রীয় সরকারের নির্দেশ ।
- ২) আসাম সরকার দরিদ্র সীমারেখার নীচে বসবাসকারী লোকেদের জীবন ধারণের মান উন্নয়নের জন্য বিশেষ পদক্ষেপ গ্রহণ করেছে বলে মুখ্যমন্ত্রী সর্বানন্দ সনোয়ালের প্রকাশ ।

এবং

- ৩) আসাম মাধ্যমিক শিক্ষা পর্ষদ পরিচালিত আগামী হাইস্কুল শিক্ষান্ত পরীক্ষার ফর্ম জমা দিন ঘোষণা ।

বিস্তারিত খবর :-

কেন্দ্র দেশের খাদ্য সুরক্ষার বিষয়টি সুনিশ্চিত করতে সবগুলি রাজ্যের খাদ্য সুরক্ষা আয়ুক্তদের খাদ্যে ভেজাল সংক্রান্ত ঘটনার সঙ্গে জড়িত ব্যক্তিদের বিরুদ্ধে কড়া পদক্ষেপ গ্রহণের নির্দেশ দিয়েছে। আজ বিশ্ব খাদ্য দিবস উপলক্ষে নতুনদিল্লীতে আয়োজিত এক অনুষ্ঠানে কেন্দ্রীয় স্বাস্থ্য প্রতিমন্ত্রী অশ্বিনী কুমার চৌবে সাংবাদিকদের একথা জানান। শ্রী চৌবে সংশ্লিষ্ট আধিকারীদের উৎসবের মরশুমে এই বিষয়ে সতর্ক থাকারো নির্দেশ দেন। তবে তিনি মিষ্টি বিক্রেতাদের অযথা হয়রানি না করারো পরামর্শ দেন। অনুষ্ঠানে কেন্দ্রীয় মন্ত্রী খাদ্যের অপচয় রোধ করতে, ইন্ডিয়ান ফুড রিকোভারি এলায়েন্স (IFRA) শীর্ষক একটি মোবাইল এপ উদ্বোধন করেন।

মুখ্যমন্ত্রী সর্বানন্দ সনোয়াল বলেছেন আসামের দরিদ্র জনসাধারণ যাতে খাদ্য বন্ধ এবং বাসস্থানের অধিকার থেকে বঞ্চিত না হন তার জন্য রাজ্য সরকার দৃঢ়তার সঙ্গে কাজ করে যাচ্ছে। রাজ্যের দরিদ্রসীমার নীচে বসবাসকারী লোকদের জীবনযাত্রার মান উন্নত করার জন্য বিশেষ পদক্ষেপ গ্রহণ করেছে। আজ গৌহাটীর বিবেকানন্দ সাংস্কৃতিক কেন্দ্রে বিশ্ব খাদ্য দিবসের এক অনুষ্ঠানে ভাষণ প্রসঙ্গে মুখ্যমন্ত্রী সর্বানন্দ সনোয়াল এ কথা বলেন। মুখ্যমন্ত্রী বলেন যে এই দিবস পালনের মূল উদ্দেশ্য হচ্ছে সমগ্র বিশ্ব থেকে ক্ষুধা নিবারণ করা। দেশ তথা রাজ্যের প্রতিটি নাগরিকের খাদ্য নিরাপত্তা প্রদান করা বর্তমানের কেন্দ্রীয় তথা রাজ্য সরকারের মূল লক্ষ্য বলে মুখ্যমন্ত্রী মন্তব্য করেন। সমাজের প্রতিটি ব্যক্তি এই বিষয়ে সচেতন হলে এই লক্ষ্য বাস্তবায়িত হবে বলে ও মুখ্যমন্ত্রী মত ব্যক্ত করেন। খাদ্য সুরক্ষা আইনের অধীনে রাজ্যের ২ কোটি ৫০ লক্ষ জনসাধারণকে অন্তর্ভুক্ত করা হয়েছে বলে উল্লেখ করে মুখ্যমন্ত্রী বলেন যে আসামের গ্রামাঞ্চলের লোকদের আর্থিক উন্নয়নের গতি ত্বরান্বিত করার জন্য রাজ্য সরকার মুখ্যমন্ত্রী সমগ্র গ্রাম উন্নয়ন যোজনা শুরু করেছে। রাজ্যের ৩৩টি জেলার ভৌগলিক পরিবেশ তথা মাটির

গুণাবলীও পৃথক । তাই মাটির গুণাগুণ পরীক্ষা করে উৎপাদন শক্তি বৃদ্ধি করার ওপর মুখ্যমন্ত্রী গুরুত্ব আরোপ করেন । অনুষ্ঠানে মুখ্যমন্ত্রী নর্থ ইষ্ট ইনস্টিটিউট অফ এডভান্স টিউজের প্রকাশিত খাদ্য নিরাপত্তা আসাম ২০৩০ শীর্ষক একটি ভিসন ডকুমেন্ট উন্মোচন করেন । অনুষ্ঠানে মুখ্যমন্ত্রীর মিডিয়া উপদেষ্টা হৃষিকেশ গোস্বামী ,আইন উপদেষ্টা শান্তনু ভরালি প্রমুখ অংশ নেন ।

কেন্দ্রীয় মন্ত্রী রাজ্যবর্ধন সিং রাঠোর বলেছেন যে--সরকার গাঁও পঞ্চায়েতগুলিতে সরাসরি অর্থ পাঠাতে শুরু করেছে যাতে পঞ্চায়েতগুলি উন্নয়ন মূলক কাজকর্মের জন্য নিজে পরিকল্পনা করতে পারে । রাজস্থানের জয়পুরে ‘সাংসদ আপকে দ্বার ‘ কার্যসূচীর অধীনে আয়োজিত এক অনুষ্ঠানে অংশ নিয়ে শ্রী রাঠোর একথা বলেন । তিনি জানান যে- গ্রামগুলির জনসংখ্যা অনুপাতে অর্থ প্রেরণ করা হয় । এবং গ্রাম ভারতকে আরো শক্তিশালী করার উদ্দেশ্যে প্রতি বছর তহবিলের পরিমাণ বৃদ্ধি করা হচ্ছে । সরকার ব্যাংকসমূহকে দায়বদ্ধ করার জন্য বিভিন্ন ব্যবস্থা গ্রহণ করেছে বলেও তিনি জানান । সেই অনুযায়ী মুদ্রা যোজনার অধীনে যদি কোনো ব্যাংক কাউকে ঋণ দিতে অস্বীকার করে, তবে সংশ্লিষ্ট ব্যাংককে এর কারণ দর্শাতে হবে ।

কেন্দ্রীয় স্বরাষ্ট্র প্রতি মন্ত্রী কিরেন রিজিজু বলেছেন যে-অরুণাচল প্রদেশের স্থানীয় লোকেদের অধিকার সুরক্ষিত করা হবে । এবং চাকমা ও হাজং শরণার্থীদের জন্য তাদের অধিকার খর্ব হতে দেওয়া হবে না । উল্লেখ্য- ২০১৫ সালে সুপ্রীম কোর্ট অরুণাচল প্রদেশে বসবাস করা চাকমা ও হাজং শরণার্থীদের নাগরিকত্ব প্রদান করতে কেন্দ্রীয় সরকারকে নির্দেশ দিয়েছিল । প্রায় পঁচ দশক পূর্বে তৎকালীন পূর্ব পাকিস্তান থেকে আসা প্রায় এক লক্ষ শরণার্থী অরুণাচল প্রদেশে আশ্রয় গ্রহণ করেছিল । শ্রী রিজিজু রাজ্য সরকার, সারা অরুণাচল প্রদেশ ছাত্র সংস্থা , এবং সব পক্ষকে এই বিষয়টি সমাধানের ক্ষেত্রে সহযোগিতা করার আহ্বান জানিয়েছেন । গতকাল ইটানগরে সারা

অৰুণাচল প্ৰদেশ ছাত্ৰ সংস্থার সুবৰ্ণ জয়ন্তী অনুষ্ঠানে অংশ গ্ৰহণ করে শ্ৰী
রিজিজু একথা বলেন ।

কাছাড়ের সাতটি বিধানসভা এলাকার খসড়া ভোটার তালিকা প্ৰকাশ
করে জানানো হয়েছে যে-নিৰ্বাচন কমিশনের নিৰ্দেশ অনুযায়ী এর বিশেষ
সংক্ষিপ্ত সংশোধনের জন্য তালিকাগুলি জনসাধাৰণের প্ৰদৰ্শনের জন্য সংশ্লিষ্ট
বিধানসভা চক্ৰের নিৰ্বাচন পঞ্জীয়ক আধীকারিক , সংশ্লিষ্ট গাঁও পঞ্চায়েত
কাৰ্যালয়, কাছাড় জেলা পৰিষদ, শিলচর পৌরসভা ইত্যাদিতে রাখা হয়েছে
। ২০১৮ সালের পয়লা জানুয়ারীকে ভিত্তি তারিখ ধরা হয়েছে । তাই ভোটার
তালিকায় নম অৰ্ন্তভুক্তিরজন্য কারো কোনো দাবী বা আপত্তি থাকলে তা
আগামী ১৫ই নভেম্বরের মধ্যে ৬,৭,৮, ইত্যাদি প্ৰপত্ৰ পূৰণ করে জমা দিতে
বলা হয়েছে । এছাড়া শিলচরে এই উপলক্ষে শিলচরের নিৰ্বাচন
আধীকারিকের কাৰ্যালয়ে একটি হেল্প ডেস্ক খোলা হয়েছে ।

আসাম মাধ্যমিক শিক্ষা পৰ্যদ (সেবা)র পৰিচালিত ২০১৮সালের
হাইস্কুল শিক্ষান্ত পৰীক্ষার ফৰ্ম জমা দেবার তারিখ ঘোষণা করা হয়েছে ।
আগামী জানুয়ারী মাসে অনুষ্ঠেয় এই পৰীক্ষার জন্য পৰীক্ষার্থীদেরকে আগামী
৬ই নভেম্বর থেকে ২২শে নভেম্বরের মধ্যে ফৰ্ম জমা দিতে হবে। পৰীক্ষার্থীরা
অনলাইনে তাদের ফৰ্ম দাখিল করতে পারবে । এদিকে জানুয়ারী মাসে অনুষ্ঠেয়
এই পৰীক্ষার আগে বারোটি বিষয়ের ব্যাবহারিক পৰীক্ষা অনুষ্ঠিত হবে ।
এছাড়া পৰীক্ষা কেন্দ্ৰের বিষয়ে সেবা জানিয়েছে যে-একটি পৰীক্ষা কেন্দ্ৰে ১৫০
বা তার বেশী ছাত্ৰ ছাত্ৰী থাকতে হবে এবং একটি কেন্দ্ৰে কমপক্ষে চারটি
ফিডার স্কুল থাকতে হবে । এবারের পৰীক্ষা মূল্যায়ন রাজ্যের ৩৪টি কেন্দ্ৰে
অনুষ্ঠিত হবে ।

কাছাড়ের জেলা ম্যাজিস্ট্রেট ডঃ এস লক্ষণন পৃথক পৃথক নির্দেশে জানিয়েছেন যে- আসন্ন কালীপূজা ও দীপাবলী উৎসবের জন্য শিলচরে একটি কন্ট্রোল রুম খোলা হয়েছে । এর ফোন নম্বর হচ্ছে-০৩৮৪২-২৩৯২৪৯ এবং টোল ফ্রি নম্বর হচ্ছে-১০৭৭ । এই উদ্দেশ্যে জেলার আইন শৃংখলা পরিস্থিতি নিয়ন্ত্রণের জন্য বেশ কয়েকজন ম্যাজিস্ট্রেটকেও নিয়োজিত করা হয়েছে । এছাড়া আতশবাজী কেনাবাচা ও মজুত রাখার ক্ষেত্রে সাময়িক লাইসেন্স নেওয়া আবশ্যিক বলে জানানো হয়েছে । সংশ্লিষ্ট ম্যাজিস্ট্রেটরা এই বিষয়গুলি দেখাশুনা করবেন বলে জানানো হয়েছে ।

নমামী বরাক উৎসব উপলক্ষ্যে করিমগঞ্জে আজ সেমিনার এবং স্মরণিকা উপ-সমিতির এক সভা অনুষ্ঠিত হয়েছে । জেলা উন্নয়ন আয়ুক্ত এন কে এস কে সিংহের পৌরহিত্যে আয়োজিত সভায় সেমিনারের বিষয়বস্তু - করিমগঞ্জ জেলার সামাজিক ও সাংস্কৃতিক প্রেক্ষাপট : অতীত ও ভবিষ্যৎ , শীর্ষক হবে বলে সিদ্ধান্ত হয়েছে । অতিরিক্ত উপায়ুক্ত ধুব জ্যোতি দেবকে আহ্বায়ক মনোনিত করে ২১ সদস্যের একটি কমিটি গঠন করা হয়েছে । এদিকে নমামী বরাক উৎসব উপলক্ষ্যে করিমগঞ্জে ১৩টি উপ-সমিতি গঠন করে জেলা উপায়ুক্ত বিজ্ঞপ্তী জারী করেছেন ।

উল্লেখ্য সরকারী নির্দেশ অনুযায়ী নমামী বরাক উৎসবের মূল কমিটিতে জেলার উপায়ুক্ত প্রদীপ কুমার তালুকদার সভাপতি ও জেলা উন্নয়ন আয়ুক্ত এন এস এস কে সিংহ সম্পাদক হিসেবে দায়িত্বে রয়েছেন ।

পরকীয়া প্রেমের অভিযোগে করিমগঞ্জ সদর থানার সেকেন্ড অফিসার এস আই পবন কলিতা এবং দুই কনস্টেবল খসরু আলম চৌধুরী ও নিপুল আহমেদকে ক্লোজড করেছেন করিমগঞ্জের পুলিশ সুপার গৌরব উপাধ্যায় । তাদের বিরুদ্ধে প্রাথমিকভাবে বিভাগীয় তদন্ত চালিয়ে এই পদক্ষেপ নেওয়া হয়েছে বলে পুলিশ সুপার শ্রী উপাধ্যায় জানান । উল্লেখ্য এস আই পবন

কলিতা স্থানীয় এক মহিলার কিছু অপ্রীতিকর ছবি সামাজিক মাধ্যমে পোষ্ট করে ছিলেন বলে অভিযোগ রয়েছে ।

সামাজিক তথা বেসরকারী সংগঠন শিলচর চাইল্ডলাইন এবং শ্রম আয়ুক্ত কার্যালয় শিলচরের যৌথ অভিযানে আজ ফাটবাজারের পৃথক পৃথক দুটি মোদি দোকান থেকে দুজন শিশু শ্রমিককে উদ্ধার করা হয়েছে । জেলা শ্রম আয়ুক্ত পি কে লাউৎজেন জানান যে সঠিক তদন্তের পর সংশ্লিষ্ট দোকানমালিকদের বিরুদ্ধে আইনী ব্যবস্থা গ্রহন করা হবে ।

সারা ভারত কৃষক সভার হরিয়ানায় অনুষ্ঠিত চৌত্রিশতম সর্ব ভারতীয় সম্মেলনে । সারা দেশের ২৬ টি রাজ্য থেকে সাতশ প্রতিনিধি অংশগ্রহন করেন । সাম্প্রিক অনুষ্ঠিত এই সম্মেলনে কাছাড় জেলার রেজামন্দ আলী বড়ভূইয়া সহ আসাম থেকে ২১ জনের প্রতিনিধি দল অংশগ্রহন করেন । কেন্দ্রীয় কমিটির সভাপতি আমরারাম পতাকা উত্তোলন করে সম্মেলনের সূচনা করেন । সম্মেলনে জলবায়ু পরিবর্তন রোধ , বন অধিকার কার্যকর করা, কৃষকের ফসলের নায্যমূল্য প্রদান করা সহ বেশ কয়েকটি বিষয়ের উপর প্রস্তাব গৃহিত হয়েছে । ত্রিপুরার মুখ্যমন্ত্রী মানিক সরকার এই সম্মেলনে প্রধান অতিথি হিসেবে অংশ গ্রহন করেন ।

হাইলাকান্দি জেলার শিল্প ও বানিজ্য কেন্দ্র থেকে এক বিজ্ঞপ্তিতে জানানো হয়েছে যে জেলার নতুন শিল্পদ্যোগীদের ক্ষুদ্র শিল্প স্থাপনে সারথী প্রকল্পে আসাম গ্রামীণ বিকাশ ব্যাঙ্কের মাধ্যমে আর্থিক সাহায্য করা হবে । বিস্তারিত বিবরণের জন্য জেলা শিল্প ও বানিজ্য কেন্দ্র কার্যালয়ে যোগাযোগ করতে বলা হয়েছে ।

১৭ অনুর্ধ্ব ফিফা বিশ্বকাপ ফুটবল প্রতিযোগিতার প্রিকোয়াটার ফাইন্যাল খেলায় আজ জার্মানি - কলম্বিয়াকে ৪-০ গোল পরাজিত করেছে। এদিকে প্যারাগুয়ে এবং আমেরিকা যুক্তরাষ্ট্রের মধ্যে প্রিকোয়াটার ফাইন্যালের আরও একটি ম্যাচ এই মাত্র শুরু হয়েছে।

-----সমাপ্ত-----